



HUNAT NUTAANGUYUT?

Iqungittugut uqarapta 2014 ukiunga quvianaqniaqtuq. Taimaa kingulliqpaaqqut taiguagakhaq, kiuyugut naunaitkutanut ihuarhiplugillu apirhuutiuyut Hanningayup Havaakhauhinganut Iniqhimaittuq Avatiliriniqmut Ayurhautigiyaayut Naunaitkutaq (Iniqhimaittuq EIS), pipkaidjutiuyuk malruuknik Nunallaani Uqaudjiuyut Katimayit Havaakhahivikmi, ilaayut uumani Nunavunmi Kanogilivalianikot Elittohailiplotik Katimayiiinginni (qablunaatitut taiyauyuq naittumik NIRBmik) ilitariyaayuq katinamiq katimapkaitinnagillu katimayut/nunallaami katimapkainiq, nutaanguqtiquhugu qaritauyakkut pulaarvikput piksassuunga, nuutiqtiquhugu Iqalukuutiaqmi havakvikput (tadja Kitnuna Igluqpanungaqtugut, 10 Omilik Road, P.O. Box 2239, +1-867-983-3033), ikayuqhugulu Ariel Tweto unalu Popping Bubbles Nunavunmi Pulaarninnga. Qaritauyakkut pulaarvinganut takulugu uumani www.backriverproject.com takulutaluuniit uumani **Twitter**, @BRP_Sabina naunairhimmaariaqni Havaakhauhip havaanganik.



QUN'NGIAQTUQ KITIKMEONMIK Ilihimaliriami NIRB

Sabina unalu Hanningayuq Havaakhauhiq havaktingit havaqatigiiktut NIRB-kunnut aatlatlu tigumiaqatigiiktut iniqtiriami tamna Havaakhauhiup Avatiliriniqmut Ayurhautigiyaayut Ihivriunqi (EIA). Sabina tuniyaa Havaakhauhiup Iniqhimaittuq Avatiliriniqmut Ayurhautigiyaayut Naunaitkutaq (EIS) NIRB-kunnut atulihaaqliqtillugu una ukiunga.

NIRB-kut Timiqutigiyayuq Kavamatkunnit munariniqaqtumik ukuninnga Avatiliriniqmut Ihivriunqi uukturumayaayunik Havaakhauhiit, ukunatitut Hanningayuq Havaakhauhiq, Nunavunmi. Katimayiiingit tikkuqaqtayut ukunannga Tikkuqaqtayut Inuit Timiqutigiyangit, Nunavut Kavamanga, unalu Kaanatap Kavamanga, havaktingillu ittut Nunavunmi.

Pitillugu ayurhautigiyaayut Ihivriunqniq Havaanga, NIRB-kut katitiriyut qanuqtut ihumagiyanginnik aatlanit havakvinitukunanitlu Nunavunmiutanit. Tamna Havaanga akhuuquyangit Inuit qanuqtut ihumagiyanginnik tuniplugitlu amigaittunik pidjutikhanginnik Nunallaanut ihumaalutigiyaayut uqaqtauyukhat. Ilaliutangit Inuknik ilihimayangit piyut Avatiliriniqmut, inuknut maniliurutimullu ayurhautigiyaayut akhuurutaayuq iniqtirininnanut EIA Havaanganut.

Piliuqtillugu hakugikninngit, pitquyautingilluuniit,

NIRB-kut maliktaat naunaittunik maligat/piyakhangit naunairiami havaanga ihuaqtuq. Tamaita ihumaalutingit uqaqtauyut taimaa Havaakhauhiit hivumuuriami piqaqtumik mikiumik Avatiliriniqmut ayurhautigiyaayut kikliqarlunilu maniliqinirmut ikayuutikhanik.

Tamaita NIRB-kut titiqqangit, miitiutingit titiqqat ihumaliurutingillu inuknut taiguaqtaunginnarialik. Aatlamik naunairyuumirumaguvit pulaarlugu qaritauyami pulaarvinga inuknut havakvinga uumani <http://ftp.nirb.ca>.

BRP ANGIQTITAULIQTUQ

MALIKTAKHAQ 1	MALIKTAKHAQ 2 <i>HAMANIITTUGUT!</i>	MALIKTAKHAQ 3	MALIKTAKHAQ 4	MALIKTAKHAQ 5
Nunanganik Aturniq Ihumaliurut Hivulliqaami piyakhavut tuniyukhaq uuktuutimik ukununnga Nunavut Parnainirmut Katimayiingit.	Ayurhautigiyaayut Ihivriunqniq Talvannga uvunngaqtugut Avatiliriniqmut Ihivriunqniq nayuganganut talvani NIRB-kut ihivriuqtaat tamna Avatiliriniqmut, inungit maningillu ayurhautigiyaayut uuma Hanningayuq Havaakhauhiq.	Ihumaliurutiuyut Talvannga iniruptigu EIA, kaanatap ministanga, ministangit munariyakhaa ihumaliurutiutinga ihivriunqniq NIRB-kut taiguagakhaq ihumaliurlunilu Havaakhauhiq nuuttaqtuq laisiliqinirmut.	Laisiliqiniq Tamaita angiqtauyut timiqutigiyayut piliuqtaat naunaittut qanuriliurutingit qanuritaakhaangillu ukuat Hanningayuq Havaakhauhiup angiqtauninnga.	Munariniq Talvannga Havaakhauhiq piyaat ihariagiyaayut laisikhangit, nalunaitkutingit ukuatlu angiqtauninnga, tamna Havaakhauhiq ihariagiyauniaruk-naqhiyuq munariniqmik.



HAVAAKHAUHIQ NAUNAITKUTAQ

BRP hivumuuqtuq

Ilaupluni NIRB-kut Avatiliriniqmut ayurhautigiyaayut Ihivriunig uumannga Hanningayuq Havaakhauhiq, katimapkaidjutiyut Iqaluktuutiami Nuvampa 13mit-15mut, 2014mi. Katimahuiqmata, nunagiyamikni katimapkaiyut Nuvampa 17mi unattauq Katimatinnagit Katimayut (qablunaatitut naittumik taiyauyuq PHC-mik) Nuvampa 18mi.

Katimadjutini, tamaita ilauyumayut (ukunatitut Sabina, kavamatkut, kavamaungittut, munariniqmut timiqutauyut, katimayiuyut, haamlangit, Nunallaani timiqutigiyangit, an'nguhiiqitkut katimayiingit, inuitlu) qaitquyauyuq uqariamikni uqaqtauyut piyut ayurnaqtunut pipkdijutinganut uumunnga Hanningayuq Havaakhauhiup Iniqhimaittuq EIS. Hapkuat katimadjutingit ihuatqianguyut pidjutikhaq ihuarhariami ayurnaqtunik ihumaalutigiyayut talvannga pitinnagu PHC. NIRB-kut havaktingit katitiqtinnatik titiraqhimayumik uqariiyaqtanganik Sabinap ukunuuna ihuarhaqninnga nutaanguqtirininnagu Kingulliqaanga EIS tukhiutikhaq, tuniyauyuq PHC-kunnut ihumagiyakhanganik ilaliutiplugulu PHC taiguagakhaq.

Nunallaangit ilitariyaayut ayurhautipkaiyut ukunannga Hanningayuq Havaakhauhiq qaitquyauyut uqariamikni katimatillugit. Una katimadjut pipkaiyuq ihuaqtumik pidjutikhanganik NIRB-kunnut pigiami nunallaanit ihumaalutigiyayunik.

PHC-kut tuniyut katimayunut pipkaidjutikhamik tunigiami ihumaalutigiyayut ihuaqhaqtauyut katimatillugit unalu utuqqanguqhimayut ihumaalutinginnik. Ilangit uqaqtakhangit PHCmi ilaliutihimayut: umikvikhaa tukhiutininik, qakugu katimadjutikhangit, ihivriuninngit, taiguagakhanik himmautingit, kingulliqpaaq katimadjutikhat nayugakhaat qakugulu piniaqtut, kingulliqpaaq katimadjutikhat piliurninnga aatlatlu naunaittiaqniq timiqutigiyayup ihumaalutingit piyut uumunnga kingulliqpaaqlu katimadjut.



Ukiuqtaqtumi amaruq qungiaqtuq atauhiqmut Sabinaup ingutaaqtunik piksaliurutinganut.



Nunallaani Uqaudjiuyut Katimayit ilauyut Tommy Pigalak, Alice Ayalik, Anna Nahogaloak (huilihaaqtuq) ilauyut hiniktaqhutik uyarakiurvikmut pulaaqtillutik July 14-15, 2014. Hulilukaarutit ilaliutiyaallu pihuuyaqhutik, halikaaptakkuuqhutik, iqalukhiuqhutiklu.



Havaktingit Sabina-mit (ungahitqiaq taliqpiami), kaanatami avikturhimayumilu kavamangit, unalu Kitikemot Inuit Katimayit ilauyullu uumani NIRB-kut (hivunrani) Hanningayuq Havaakhauhiup Iilitariyaayut Katimaniq Nuvampami 2014. Hapkuat katimapkainit angmaumayut inuknut (tununi).

Nunamikni ukuatlu PHC katimahuiqmata, NIRB-kut tuniyut katimaqatikput qanuriliurutikhaq iniqtiriami kingulliqaanga Hanningayuq Havaakhauhiq EIS. Piyugullu qanuqtut piyakhaqqut ihivriurutimut kingulliqaamut EIS kingulliqaapaaqlu katimadjut.

Maligaliqinirmut ihariagiyaayut

Apirhuqtaunginnaqtugut maliganganik/maligakhaniklu Sabina maliktakhangit piliuliqqat Hanningayuq Havaakhauhiq. Sabina pitquyaayuq maliklugu amigaittunik nampanik kaanatami, Avikturhimayumi unalu Nunaqaqqaarhimayut angirutingit unalu maligakhat ukunatitut:

- Ukiuqtaqtumi Imangat Halumaiqtailiniq Maligaq
- Igluqpiliurniqmut Naunaitkutingit (Nunavunmi)
- Nanminiriyangit Kuapuriisingat Maligaq (Nunavunmi)
- Kaanatamiutat Avatiliriniqmut Hukhaungiqtailiniq Maligaq
- Qilamiuqtuqaqqat Havautikhat Mattutittiniq Maligaq (Nunavunmi)
- Hanauyukhanik titirauyaqtiyuq, Nunaliqiyi unalu Naunaiyaiyi Nunanganik Maligaq (Nunavunmi)
- Avatiliriniqmut Hukhaungiqtailiniq Maligaq (Nunavunmi) – Kuvipkaigtuqaqqat Qilamiuqtuqaqqat Ihumaliurniq Uqaqtitauniqlu Maligakhat (Nunavunmi)
- Qaraqtautit Maligaq unalu Maligakhat
- Qaraqtautit Aturniq Maligaq (Nunavunmi) – Qaraqtautit Aturniq Maligakhat (Nunavunmi)
- Ikualaaqtailiniqmut Maligaq (Nunavunmi) – Ikualaaqtailiniqmut Maligakhat (Nunavunmi), Puplaktuutit Kaimalluriktut Tutquumavia Maligakhat
- Iqalukhiurniqmut Maligaq (Titirahimaninngani 35)
- Iqalukhiurniqmut Maligaq – Havigalit Uyarakhiurniqmut Iqqakunginnik Anakunginnik Halumailrunginniklu Maligakhat
- Havaatigut Maligaq (Nunavunmi)
- Uyarakhiurniqmut Aaniaqtailiniqmut Aaniaqtailiniqmullu Maligaq (Nunavunmi) – Uyarakhiurniqmut Aaniaqtailiniqmut Aaniaqtailiniqmullu Maligakhat (Nunavunmi)
- Humunngaulirniqmut Tammaqtailiniq Maligaq
- Nunavunmi Nunataarutit Angirutin (ukuatlu Titirarhimaninga Angirutiup 6, 12, 13, 20 uumanilu 26, aatlanilu)
- Nunavunmi Imangat unalu Nunavunmi Qaanganitlu Pilaarutingit Ihuarhaiyit Maligaq – Nunavunmi Imangat Maligakhat
- Nunavunmi Utuqqarnitanik Ingilraaqnitat Uyarannguqtut Nayugangit, Maligakhat (Nunavunmi) – Nunavunmi Qangaraaluknitani Pidjutinginnik Maligaq
- Aaniaqtailiniqmut Maligaq (Nunavunmi) – Uyarakhiurviup Halumaninnganut Maligakhat (Nunavunmi)
- Avikturhimayumi Nunat Maligaq – Kaanatamiutat Uyarakhiurniqmut Maligakhat
- Avikturhimayumi Nunat Maligaq – Avikturhimayumi Nuna Aturniq Maligakhat
- Avikturhimayumi Nunat Maligaq – Avikturhimayumi Uyarakhiurniqmut Maligakhat
- Tamna Kaantami Agyarniq Maligaq
- Agyarniq Qayangnaqtunik Hunavaluknit Maligaq
- Havaktinut Akiliuhiaqtaaqviqaqtutlu Maligaq (Nunavunmi) – Havaktinut Akiliuhiaqtaaqviqaqtutlu Maligangit (Nunavunmi)

APIRHUUTIQAAQQIT, UQAQTAKHAQAQQIT IHUMAALUTIQAAQQITLUUNIIT?

Uqaqatigiinariaqat John Kaiyogana (jkaiyogana@sabinagoldsilver.com) pulaarluguluuniit Iqaluktuutiap havakvinganut uumani (Kitnuna Building, 10 Omilik Road, P.O. Box 2239, 867-983-3033). Uqaqatigiinariaqatluuniit Vaankuuvami havakvikput uumani +1-604-998-4175.